

無天橫家有詩書則上明
天尊大慈之化下副臣等頓命之誠謹啓以聞

發願
存神燒香

香官使者左右龍虎君侍香諸靈官當令臣
午朝陞壇行道之所自然生金液丹碧芝英
百靈衆真交會在此香火爐前令臣學道得
道求仙得仙齋主受福幽顯沾恩十方仙童
玉女侍衛蘭烟傳臣向來所啓速達徑御
太上无極大道至真玉皇上帝 御前
出堂頌

靈寶領教濟度金書卷之一百六十八

靈寶領教濟度金書卷之一百六十九

洞微高士開光救苦真人竊金具校
靈寶通玄弘救水南先生林靈真編

科儀立成品 預修黃
錄用
第三日晚朝儀

步虛 燒香頌

各禮師存念如法

衛靈

玄陰七靈 九炁合形 魂精魄爽 二景回輪
飛光赫奕 煥耀長春 日月吐暉 回合華英
大梵流布 奔飛炎鈴 魔王受事 朝謁帝京
合靈普降 廣惠幽明 玉文敷告 萬炁騰升
與道合真

鳴法鼓二十四通

發爐

无上三天玄元始三炁太上道君召出臣身
中三五坊曹左右官使者侍香金童傳言玉
女五帝直符直日香官各三十二人出出者
嚴裝闡啓玄壇天帝神君當召此間土地里
域具官正神急上關啓臣今奉為入齋意以

今晚朝陞壇行道願得

玉清道炁靈寶妙光下降流入臣等身中即
使玄壇清淨內外成具天無氛穢地絕妖塵
琳琅振響十方肅清萬魔不干具誠上徹令
臣所啓速達徑御

大上无極大道至真玉皇上帝 御前

請誦法位

具位奉行頌修黃籙大齋法事小兆臣某與
臨壇官衆等謹同誠上啓

太上无極大道虛无自然元始天尊太上道
君太上老君高上玉皇十方已得道大聖衆
至真諸君丈人三十二天帝君玉虛上帝玉
帝大帝東華南極西靈北真玄都玉京金闕
七寶瓊臺紫微上宮靈寶至真明皇道君三
十六部尊經玄中大法師上相上宰上保上
傅太平下教二十四真人西城總真玉君太
乙真人東嶽上卿司命茅君定錄保命二真
人名山洞府得道神仙三界官屬一切真靈
臣聞函三御運鼓妙有之真精得一分靈粟
大无之混炁配陰陽而毓秀羅經緯以儲英

九室三田煥出青入玄之妙五宮六府招迎
 黃抱紫之奇流霞鬱勃於瓊臺偃月輝煌於
 金鼎百神妙合萬炁齊仙超凡騰策景之功
 混俗表和光之迹風雲慶會昭潤色於皇
 猷烟霞棲遲奕承流於道運翼七部而光
 明聖日扶羣生而鼓舞仁風於物最靈為人
 惟昔今齋主恭皇皇心禱業業神馳淪五體
 以勤拳澄百關而稽顙仰瞻紫極俯鑒丹忱
 再思二景之梭飛心為形役三歎千生之機
 運業遂神遷誰回流倒之瀾孰勒輕奔之馬
 聞鷄拊髀遂免寒心仰惟金錄之雲章允號
 瓊函之霞篆輝輝救苦開北鬱以回光赫赫
 長生超南丹而受化九戒裝嚴其素履萬緣
 間隔於紅塵掾吏翼扶威神鼓從蕩生前之
 業逕開身後之康衢經煥神功彰聖力爰
 按預修之旨奉宣受度之儀吉蠲蠲廬辟崇
 龍陛對天顏而佩奉德道力以扶持慈縮微
 辭殷勤葵志滌丹寓敬舒碧騰情爰有青詞
 謹當宣奏

宣詞

卷九

十一

按如詞旨情極忱恫臣等接武筭承顏芝
 陸揚紫微之秘範宣玄極之瑤圖夜然澄清
 璧月映銀河之影霄輝鬱勃珠星開金井之
 光拱璘彩以居中恍靈光而在上金蓮耀景
 間翠華以翩飛玉葉騰華羅瓊枝而容與戴
 瞻獅座重巒蟻裊羽蓋霓旌晃朗通明之仗
 雲笙月磬陸離劫刃之臺十絕流精八威擲
 火羅千真於象外來萬聖於光中願敷皓月
 之忱申錫慶雲之澤玄黃鼓舞經緯謳歌
 以今落景行道請法眾等運茲初檢上香
 願此香烟騰空徑上供養
 无上至真道寶巨等皈身皈神皈命首體投
 地仰依
 太上三尊願以是功德上祝
 皇帝陛下伏願帝德春融王功日闡萬嶽聳
 青霄之影筭等龜齡滄溟接碧漢之輝同齊
 鴻福朝列珪璋之盛野無瑯琊之遺望嵩東
 朝麟趾遂金闕之彥感行外閭虎頭宣玉塞
 之聲今故燒香自皈依
 師尊大聖眾至真之德得道之後保天長存

卷七

十七

和與道合真
 以今落景行道請法眾等運茲二檢上香
 願此香烟騰空徑上供養
 无上至真經寶巨等皈身皈神皈命首體投
 地仰依
 太上三尊願以是功德皈流齋主恭伏願天
 錫千祥帝數百福霽隱南山之豹炳若文華
 風搏北海之鷗壯哉氣量掃牙籤於鄴架耀
 朱履於齊宗玉潤水清映門闈之喜色珠光
 金潔騰庭戶之英聲今故燒香自皈依
 師尊大聖眾至真之德得道之後升入無形
 和與道合真
 以今落景行道請法眾等運茲三檢上香
 願此香烟騰空徑上供養
 无上至真師寶巨等皈身皈神皈命首體投
 地仰依
 太上三尊願以是功德皈流廟食英靈祀典
 神職並願昭宣洞輔燮理陰陽體道施仁散
 陽春於三極憲天布德舒愛日於羣靈職風
 雨則敷帝澤於金穰主雷霆則贊天威於玉

100 A. D. 21. 6

憲山川神職詣南丹而受化仙邦澤臺冥僚
辭北絕而超歸陽境今故燒香自皈依
師尊大聖衆至真之德得道之後升入無形
和與道合真

禮方 儀方

步虛 三啓

三禮

重稱法位

具位臣某謹重誠上啓

太上元極大道元始天尊太上道君太上老
君无上玄老十方已得道大聖衆至真諸君
丈人三十六部尊經玄中大法師天師君上
相上宰四司五帝三界官屬一切真靈巨等
朝詣賸質夕薜濟資宿藉慶基荷師資之面
命欣逢昌運感仙聖之心傳佩三乘鸞鳳之
章膺七部虬龍之篆蓋棲神於林壑宜息影
於烟霞凝妙神光凌玄聖運乃踐紅塵而逐
逐莫稽白日以遲遲大德同仁道威章於鼎
鏡小心傾敬酬恩紀於丘陵庶暢微勳上禱
洪造以令齋主某願繫事上奏藎由中齋謹

按於三天羅敷此日澤觀單於九地扶植化
生佩符戒以歡愉脫尸累之苦惱九朝事畢
萬劫緣彰行依芝檢以祈恩肅對楓宸而受
度八鸞唱較九鳳翔軒千真水月之交羅萬
里風雲之慶會灼清香於大地奏廣樂於鈞
天宇宙融和幽宴歡樂尚慮業乘浩劫塵襲
今生六賊遊戲於靈臺五欲徘徊於覺海圭
凝黍累嶽聳淵深或霧障於道芽莫日外於
善果爰投十極遍禮三光歷五嶽以陳情企
三乘而請命更祈終惠恪印初沈飛丹詔於
清微馳紫綸於黑鬱罪無大小開地禁以拔
除過有願微挽天河而倒洗疾削刑書之宿
字預淨仙籍之香名翠栢青松標傲霜之勁
操蒼顏白髮回潤曉之芳容萬福天來百靈
聖翼七靈鳳篆斥經緯之紛葩八威龍文度
陰陽之李蝕圓清降烝方厚扶形世運環周
永不經於北府劫塵輪轉常受化於南宮得
見太平常繡福履肆觀玉京之主得為全關
之臣衣食自然形神俱妙倘拜悒悒之惠允
昭浩蕩之恩上願覆載清寧儀璘煥耀聖圖

地闢理曆天長八荒開壽域之祥梯航慕義
九有享春臺之樂文軌歸仁白麟赤鳳以來
遊紫鳳青鸞而率舞道風披拂化雨沾濡則
上明
天尊大慈之化下副臣等啟命之誠謹啓以
聞

發願

存神燒香

香宮使者左右龍虎君侍香諸靈官當令臣
晚朝陞壇行道之所自然生金液丹碧芝英
百靈衆真交會在此香火壇前令臣學道得
道求仙得仙齋主獲福幽顯蒙恩十方仙童
玉女侍衛蘭烟傳臣向來所啓速達徑御
太上元極大道至真玉皇上帝 御前

出堂頌

靈寶領教濟度金書卷之一百六十九